

印
山
詩
草

印山詩草

金門李印山著

潯江竹枝詞

男雲水
姪省三

仝輯

孫漢

輅

仝校

元日頌椒古已然莫愁競鬥綺羅天何人教製樗蒲戲賣却痴貳換一年
怕聽錫簫隔巷吹芊芊草色弄春暉樓臺一帶珠簾捲二月春風試袷衣
漁釣自饒生活計桑麻多半野人居海濱鄒魯風斯古弦誦家家課讀書
登高一覽小東瀛棖觸滄桑感不勝一自台澎遭割棄鯤鵬無路徙南溟
一聲長嘯海天高放浪湖山作踏歌瘠土由來民俗厚人心風俗近如何
大海茫茫島嶼懸陳侯一去已千年費公心力披荊棘祀典千秋合未湮
登將軍泉

英雄事業幾傳聞

距泉數武明魚將軍
禦倭之故壘在焉

兩字忭泉萬古存

泉右石刻將軍泉三字筆力遒勁末
暨忭泉二小字苔蘚模糊幾難辨識

海外餘

霞空散彩澗中流水自成紋千重蜃氣樓台現一片漁磯海水分便欲昂

頭天外去手板龍背足乘雲

咏梅

莫怪酸鹹與俗殊和羹調鼎恰相須香多原不因寒勒花好何曾借葉扶
幽靜只堪松竹伴清高合共雪霜俱玉容至竟豐腴甚惱煞詩人錯道癯

讀陳希公鉄窗吟草題後

忽降文星下斗端清新俊逸此才難生當戎馬干戈際人在劍南淮海間
遙送琴聲官閣靜爲抄詩稿吏曹閒書生莫報憐才意惟有葵心一寸丹
國事蝸蟬時局非十年夔府壯心違乾坤俯仰雙蓬鬢南北間關一卷詩
百尺元樓意氣壯千秋椽筆日星垂思量欲鑄黃金事一瓣心香屬阿誰
公於詩律精兼細不廢江河萬古流四海交游照肝胆一生豪氣薄公侯
娶隅肯作參軍語棋局難消杜老憂遍覽古今循吏傳幾人著述足千秋
島嶼孤懸氣象新春風吹到草如茵塵中那易逢知己風雅如今有主人

流水高山皆奧妙明珠清玉比精神
輞川瀟灑樊川達知是前身是後身
鼓腹興歌大有年公下車後連歲豐稔萬家共樂使君賢
風流爲政民多暇琴鶴相隨吏亦仙
清秘閣中滿畫稿簿書堆裏夾吟箋
自慚不是生花筆難把神君治績傳

珍重斯民倚賴身口碑載道頌神君
事謀於衆能容衆利取諸民不病民
撫字催科皆不易薄書錢穀况相因
詩人自古多循吏南國甘棠著績新
揮毫落紙盡珠璣跌宕風流是也非
佛筏渡人登彼岸人心隨處伏危機
交游原足爲身累傲兀正多與世違
自古多情卽仙骨捲簾人遠尙依依
我是虫沙劫後身沾泥墮溷總前因
此身拚作隨風絮無日仍回舊日春
豈料使君獨憐我是真名士不驕人
感恩知己知何似長戀春暉寸草新

呈楊主席幼京

雪間鳬鳥下仙臺浩蕩天恩被草萊
獄底可憐埋劍地人間誰是范金才

令公不負蒼生望，簿領竟煩椽筆來。自分無緣見天日，復沾雨露荷栽培。
海島曾經浩劫多，鯨魚盤據海生波。將軍指日從天下，潛寇聞風越海逃。
間氣獨鍾韓魏國，遺黎復覩漢山河。誰知黑獄沉淪下，忽聽三軍唱凱歌。
將軍旗鼓鎮雄關，意氣高凌霄漢間。號令一施精彩變，軍聲競挾海潮還。
人間久仰神仙度，天上合居龍鳳班。只是軍儲支絀甚，吏民誰恤我公難。
雲龍海鶴都超絕，潞國精神比得無。獎帥舟師殲元惡，指麾犀甲靖萑苻。
樓船橫海龍驤勝，節鉞嚴疆虎踞符。仁將襟懷淡似佛，買山也愛近浮屠。
襟懷意氣兩超羣，事業功名且莫論。緩帶輕裘羊叔子，靖江鎮海馬將軍。
峴山萬古留遺愛，銅柱千秋尙紀勲。話到雲泥一惆悵，不知何日慰瞻雲。
捍衛鄉邦第一勲，買絲合爲繡平原。江南門第稱王謝，清白家風長子孫。
庾老幕中多名士，汾陽麾下盡屏藩。草茅莫慰瞻雲願，只把心香一瓣薰。
跋涉風濤廿載間，即今四海慶安瀾。獨肩艱巨知非易，力挽頽波敢畏難。

大帥威名山嶽重上公器量海天寬春暉寸草長依戀只惜鹿門鬢已斑
草木同沾雨露新葵心一寸久彌真矜憐下士殷勤意珍重斯民倚賴身
只解上和自下睦共知虛已可容人草茅無復恩榮想願作田間識子民
呈陳道培司令

瀟瀟風雨過南陵時局如棋感不勝善弈由來爭一着拔釐誰是快先登
丹書鉄券分明在龍虎風雲取次興許附三千門下列將軍莫問客何能
德星朗耀照江湄借問登壇大將誰萬舸樓船歸節制一丸島嶼駐旌旗
時駐節
嶺島仰瞻茶火軍容盛佇靖荇羽檄馳安得生花一枝筆紀功願與勒

豐碑

盜兵放胆弄潢池太息頑民怙惡非鼠輩聞風應胆落元戎尅日把戈揮
軍聲萬馬衝潮起艦影羣龍挾海飛至竟謝家多將帥能詩況有謝元暉
函夏無塵海不波中原戮力數功多夷吾重望孚江左謝楦中年擁節旄

一劍登壇奮士氣三軍洗甲挽天河
薪王早有騎驢志其奈蒼生屬望何
一身久繫蒼生望時局安危繫去留
宦久已成騎虎勢功成肯與釣魚儔
扳龍附鳳仍初願射虎斬蛟克壯猷
底事中流生退志明公得不計千秋
下場還比上場難千古名場一例看
自昔一身支危局卽今四海慶安瀾
方當共享昇平福豈料甘居恬退班
莫漫悠然有遐想羲之亦笑謝東山
過江名士多於鯽江左夷吾有幾人
國事蜩螗待補救明公龍馬比精神
中原扳蕩馳驅久半壁河山締造新
何用功成泛舟去可憐少伯事非君
滾滾紅塵遍大千我來墜落幾何年
命纏磨蝎難諧俗閨厄黃楊只聽天
填海枉含精衛石范金莫望大羅仙
我歌孔邇聲淒切鮪尾魴魚總可憐

閨詞

綠窗顧影獨躊躇青鳥未來望久虛
無那春愁拋不得將詩和淚托雙魚
珠江二月春潮長游女如雲過板橋
數到小喬花樣貌周郎豔福可能消

青天碧海夜何其子夜歌成薄倖詞只恐千秋萬歲後湖山終古不埋痴
花拂旌旗柳拂煙兒家幸際太平年媧娘荏弱花枝似打起精神去補天
瑤池桃熟敞瓊筵聽說雲屏坐列仙萬里滄洲飛不度教儂空蕩釣魚船
建業龍蟠虎踞新樓臺直接石城濱阿誰棣棣山河貌領袖龍華會裏人
鸞旗飛下碧雲端置酒歌風各盡歡畢竟人間勝天上羣仙底事請迴鑾
攔起私情且莫悲鼎湖龍去幾多時豪奴悍婢妨難制莫便太阿付倒持
瑤台侍婢女姮娥捧鏡添香與有勞要學夫人却容易不應席捲背人逃
姑射仙人冰雪肌陶堯鑄舜太離奇只愁萬里雲泥隔訴盡春愁總不知
日日煙波理釣筒阿儂家住水雲鄉洛妃顏色湘妃節兒女千秋一瓣香
蕙娘織錦已多時屬國書成雁影稀私爇爐香心未燼篆煙裊裊結相思
墜落劫塵逾十載教儂何處去呼天千秋冤獄憑誰雪九死精魂願化煙

卽呈

潘雨峯縣長轉

蔣公介石

閨興

莽莽風塵黯黯天，
劫塵墜落幾何年。
兒身一樣風前草，
未化爲灰絕可憐。
拈來紅豆記殘更，
一枕淒涼夢不成。
咫尺蓬山千萬里，
相思隔水聽潮聲。
曼卿赴却蟠桃會，
自駕雲輶上玉京。
籙外雲仙齊抗手，
遲卿受代主蓉城。
紅正酣時綠正肥，
碧紗窗外雨如絲。
兩姑之際難爲婦，
憐我憐卿只淚垂。
新恩舊誼兩難忘，
暗蹙雙娥費較量。
難得纖縑兼織素，
織成縑素九迴腸。
綠沉槍舞春星轉，
白練裙拖錦帶分。
一面獨當開幕府，
可知娘子亦能軍。
手援桴鼓登壇去，
紅玉真成絕妙姝。
聞道雙成小妮子，
也曾作健應軍符。
私燕瓣香祝太平兒，
家占住小蓬瀛。
偶然打槳鷺西去，
一片波光比鏡清。

卽呈

黃縣長祖熙轉

廈門警備司令林公國賡

秋閨興

銀漢無聲露正濃
淒然顧影鬢蓬鬆
謝娘不愧金閨彥
劉尹幸覩林下風
玉階秋色未闌珊
繡罷鴛鴦興欲闌
不數倪迂舊畫譜
商量畫稿剪冰紈
棠有清陰菊有花
一庭明月靜無譁
秋風底事偏無賴
故撲屏風六扇紗
雕弓寶馬留仙裙
水上鸞旗拂彩雲
難得平陽開幕府
辟將崇嘏署參軍
聞道金門誥命新
旁人不必問來因
神仙也費調停術
卿與將軍是故人
耽閒愛挽麻姑髻
教製霞裳著體輕
莫訝仙家裝束異
侍兒原是董雙成
咫尺蓬山路不賒
羞顏懶上七香車
爲陪座下司香侶
一醉天台玉女家
六銖衣重五銖輕
幾度拋梭織得成
莫怪當筵誇道好
風吹池水底干卿
呈陳縣長希公

輓滬上抗日陣亡將士

三百年來外患成積衰積弱可勝情鯨鯢跋扈挾潮起

墨日乘我有水災入寇

家國存亡

拚死爭一戰獨能捱日魄環球都已震雷名馨香俎豆從今始

民國廿一年五月開追悼會

合

賦招魂致慤誠

紛紛黑白亂楸枰一局殘棋抵死爭猶有鋼刀能殺賊

不妨赤手共屠鯨那堪狐鼠憑城社

日軍奔敗恆逃入列強租界

誰遣鴟鴞入戶庭

敵軍據我戶庭抵禦愈覺不易護

國英靈長不昧申江夜夜怒潮聲

艱難洒淚共登陴苦戰沙場力不疲

強虜摧鋒三易帥孤軍抗敵絕援師播遷京洛仇當報保障西南願未違

一洗從前懦弱習在天應亦笑開眉和局如今已告成臥薪嘗胆共酸

辛臣心定拜三年賜士氣終教一旦伸報道草雞方含鼠那堪東海又揚

塵要知閭巷謳歌意險作扶桑左衽民倉皇決戰死生輕劍氣冲霄南

斗平痛絕敵人蔑視我憤深將士耻俱生烽烟遍地揮戈起礮火連天洒

淚行青史幾人誇戰績這回算得最光榮興師慷慨賦同仇戰死沙場

願竟酬熱血正嫌無處洒悲天何暇爲身謀身家性命弁髦視事業功名
竹帛羞身可爲灰骨可燼千秋遺恨却長留死者而今長已矣豈知存
者益淒其癯瘵遍體悲何極鋒鏑餘生痛可知蟲臂鼠肝隨付予忠肝義
胆已昭垂人生自古誰無死惜死何曾占便宜虎狼張爪勢汹汹涕泣
誓師敵愾同馬革裹尸心逾赤鋼力殺賊血凝紅能和到底因能戰文事
還須藉武功料得在天應有恨和戎畢竟異初衷淒絕虫沙劫後身肝
衡時局益艱辛漫云和議非長策至竟籌邊有幾人東北猶傳雄虎視西
南莫漫恣鷹驍在天應切憂時念政策如今已刷新日月重光雨露新
分明函夏快回春豈知砥柱中流石都是金鋼百煉身秦華崇高同仰止
明珠圓潤比精神不忘河北巾車難遺恨千秋尙未伸豐功偉烈日星
懸俎豆千秋報不慳恤典已教書汗竹覃恩也合被重泉蓬壺咫尺三千
路烈魄飛昇第一天華表月明勞夢想不知化鶴却何年放覽東亞惹

恨新輔車唇齒莫相親風波底事生平地蠻觸無端付劫塵露弱相望怕

回首積尸盈野可傷神沉灰燒劫知難辨天網向稽首禍人

日與本莊繁
俱禍入寇

邦

人崇拜岳家軍迎獻壺漿意頗殷

民國廿一年四月共匪
陷漳閩民電渴乞師

孔邇羣歌應動聽流圖重

畫不堪聞雄師指日從天降

民國廿一年六月
馮軍奉命入閩剿共

鼠輩聞風捲席奔

共匪導訊先
數日捲奔

江水長

流遺澤遠不知何以慰忠魂

剿除鼠輩嫌汗刃邊將

指泉漳
將校言

無功負責宜

天地無私德乃大江河自下望攸歸安全克慰蒼生願節制無慚王者師

惆悵海疆民力盡不堪戶口困流離

送陳希公夫子之任東山并序

菊黃楓絮景全非此日聞公賦遠離滿腹牢騷難自遣朔風如鉄雨如絲
早有才名動上游攀轅臥轍尙難留滄桑劫後乾坤窄唱到驪歌不禁愁
此身不及潯江水猶得相隨琴鶴移怕向勞勞亭上望春風弱柳共依依
却怪民情費去思旃檀過後有香宜晨星碩果剩無幾爭忍天心不護持

希公夫子爲閩嶠名賢積學有素民元以後筮仕犀曹十有餘稔去夏蒞任涪江爲政一本於誠民咸感化印山以詩文請益我夫子教誨時加銘佩奚若邇者榮調東山閤邑人士攀轅乏術臥轍情殷印山草茅下士受夫子文字知際茲臨別其抑鬱牢騷猶非韻語所能寫者聊成四絕藉表慕忱而心契神交在遠不渝豈在乎章句若欲表揚夫子之善政敘述夫子之道德文章并掬山感恩載德之真誠雖連篇累牘亦難罄盡也

賀吳步岳老伯雙壽

朗朗雙星照海湄
躋堂願獻壽人詞
繡衣江上曾持節
彩筆房中記畫眉
南國長留棠樹陰
名山偕隱白鷗知
多情天上雙鸞鳳
辛苦營巢戀舊枝
瀟灑襟懷迴不羣
只談風月別無聞
唱隨仙侶調琴瑟
翻覆人情任雨雲
清福何慚王逸少
詩才不讓鮑參軍
將詩爲祝南山壽
不盡相思倚夕曛

樓台高矗鷺江西山作屏風水繞隄開到芙渠成并蒂擲還麻幘慰雙棲
只攜琴鶴堪娛老到處名山供醉題放浪渾忘舊政蹟有時樵牧却重提
天與溪山供健游坡仙老去向風流買絲爲繡雙星像隔水遙瞻百尺樓
意氣才華凌萬古功名事業足千秋不知幾世修來福雙宿雙飛到白頭

游仙曲

元日撰

恰值河清紀瑞年

民國二十年

啣杯花下雨如烟頌椒爲祝無疆壽天上玉麟陸

地仙

鶯鶯燕燕報春來寶鼎香濃寶扇開聽奏雲璈鼓瑤瑟氤氲淑氣滿蓬萊
萬象回春淑氣催羣仙濟濟酌瓊卮晴霞綺旭天容笑寶炬分明獻瑞芝
琦花瑤樹雲中現玉宇瓊樓望裏深容得淮南功行滿應憐雞犬有仙心
餐芝絕粒幾經年竟未飛昇上九天不有鍾離來度厄純陽怎得脫塵緣
大羅天上列羣仙爲賦逍遙不記年聽說仙人善游戲偶然咒鉢也生蓮

一片慈雲下五城王喬仙令舊知名如何才授神仙籙又要崎嶇上玉京
玉皇香案神仙吏恰與東方是故人許待瑤池桃再熟看飛鳧鳥共朝真

呈林國廣司令

籌邊韓范却齊名若個胸藏百萬兵徼外蠻夷奉號令海邊蛟鱷避威靈
不知制變才原大只道安邊功已成鈴閣風清鯨浪息將星朗朗照江城
江潮萬馬壯軍聲萬丈龍光射斗平大將旌旗扼險要將軍桴鼓鎮邊城
窮邊小草長依戀瀕海妖氛待掃清嗟我沉淪黑獄久每聽笳鼓便心傾
海島孤懸據上游獨膺專閫奏奇猷旂常竹帛千秋在海氣蜃樓一望收
自古丈夫重意氣由來儒將定風流居安仍切思危戒聽說籌邊已築樓
萬古江流只向東肫誠不愧古人風經權互用名臣度河嶽長銘大將功
李郭勳名可代將風雲一代慶從龍不知相得比魚水固結深恩骨肉同
行間戮力奏騰揚將將將兵兩擅長萬舸樓船趨海嶠一時將帥數閩鄉

三千犀甲戈揮日百萬虬貅劍有霜臣朔可憐飢欲死迎師并乏具壺漿
旌旗百里驚江城坐鎮雍容副盛名島嶼縱橫障潮粵海疆形勝制台澎
北門鎖鑰威聲遠南國風雲叱咤平爲恃將軍秉旄鉞南華秋水夢俱清
遠夷重譯集梯航函夏無塵波不揚海島民心愛冬日元戎軍令肅秋霜
兩肩任事難旁卸一面無人可獨當水樣襟懷天樣度南豐長此熱心香
翹望蓬瀛路渺漫相思無那寸心丹只愁分隔雲泥遠誰識恩同天地寬
浴日補天皆不易憐才愛士算來難他時打槳鷺江去可許摳衣謁將壇

步陳希公縣長泉韻

希公名紹前

已屆知非五十年那知故我尙依然飄零無地彈長鋏廢棄願甘作石田
白雪陽春皆絕調高山流水總奇緣使君筆下蛟龍起詩思清於萬斛泉
滿城爆竹報新年相望相思益悄然載詠甘棠碑在口難謀菽水硯爲田
若教果有三生約不應還慳一面緣難怪官聲清似水一生只愛飲廉泉